

tile et Consulatus Maris spectant, exceptis, — coram eiate Foro Judicum et Rectorum tamquam Judicio Civico ac Districtuali primae Instantiae inchoabuntur, et ad exigentiam Regni legum ac ordinis judiciarii definientur; appellata autem relate ad praedictas causas ad Capitaneam Sedem Judicariam, abinde vero immediate ad Tabulam Septemviralem competet.

§. 2. In Districtu hoc provisorie hucdum ocservato Codice Criminali Theresiano extra vigorem posito, — Causae Criminales coram Capitanea Sede Judicaria suscitabuntur et norma per leges Regni sancita pertractabuntur, unde causae hae via appellatae ad Tabulam Regiam, inde vero ad Tabulam Septemviralem transmittentur.

§. 3. Quum Urbs et Districtus Fluminensis tam e peculiari liberorum Portuum consideratione, quam et ex eo, quia separatum a reliquis Regni Jurisdictionibus corpus constituerent, specialem subeant reflexionem, hinc Capitanea Sedes Judicaria personalium quoque contra nobiles Regni in gremio Districtus hujus habitantes suscitandarum causarum primae Instantiae Forum constituet; ejusmodi in causis latae sententiae aequae ad Tabulam Regiam, inde vero ad Tabulam Septemviralem appellabuntur.

§. 4. Judicium Civicum ac Districtuale e quinque ad integritatem Judicii necessariis Judicibus Rectoribus, uno quippe Capitaneali et quatuor Communitativis componetur, viris juris gnaris, aut, qui in praegesto quopiam munere specimina jurisprudentiae ediderunt, maturitate judicii, probitate morum et fiducia Concivium suorum gaudentibus, atque inter hos praeferenter in gremio Civitatis possessionatis.

§. 5. Capitanea vero Sedes Judicaria consistet minimum e septem ad integritatem Judicii inevitabiliter requisitis Judicantibus, Praeside quippe Districtuali Capitaneo, una munus Gubernatoris Litoralis Hungarici gerente, aut hoc absente vel impedito, Vice-Capitaneo, — coassidentibus item adminus sex patriciis Consiliariis, per Capitaneale Consilium eligendis et per Praesidem more consveto convocandis.

De oblatiis, ad fundationem Academiae militaris hungaricae Ludoviceae continue factis.

Articulus 39.

Draskovich Georgius Comes	1000 flor. Conv. Mon.
Syrmiensis Comitatus	269 " " "
Consilium Gubernii Fluminensis	200 " " "

De Juris cursu.

Articulus 55.

Ad accelerandum Juris cursum, donec eatenus uberius constitutum fuerit, statuitur: